



30. september 2021

UKA2021/128/129

Uunga siunnersuut: Inuit innarluutillit tapersorneqarnissaannut Inatsisartut inatsisaata allangortinneqarnissaannut Inatsisartut inatsisissaat

Uunga siunnersuut: Meeqqat tapersorneqarnissaannut Inatsisartut inatsisaata allangortinneqarnissaannut Inatsisartut inatsisissaat

(Meeqqanut, Inuusuttunut, Ilaqutariinnut Inatsisillu Atuutsinneqarnerannut Naalackersuisoq)

Naalackersuisut Inuit Innarluutillit tapersorneqarnissaannut inatsartut inatsisaata allangortinneqarnissaannut inatsisartut inatsisissaattut saaqummiussaannut Siumumiit imaattumik oqaaseqassaagut.

Inuit Innarluutillit inatsisaat maani inersuarmi tamanit tunuliaqutserneqarluni 2019-imi atuutsilersinneqartoq pillugu allannguutissanik naalackersuisut saqqummiussaagarput.

Inatsimmi inuit innarluutillit ukiumoortumik ulloq unnuarlu neqeroorummut nunagisap avataaniittumut inissinneqarsimasut inuit inaarluutillit tapersorneqarnissaannut inatsit malillugu ukiumut ataasiarlutik angerlarsimaffimminnut akiliunneqarlutik angalasinnaatitaanerat pineqarpoq.

Inatsimmi allannguutissatut saqqummiunneqartoq tassaavoq inunnut innarluutilinnut eqqartuussut eqqartuussiviulluunniit aalajangernerata kingorna ulloq unnuarlu neqeroorummi inissinneqarsimasunut atuutissanngimmat.

Inatsimmut allannguutissatut siunnersuut tunngavilersuutigineqartullu paasillugit inatsisissatut siunnersuut aappasaaneerneqartinnagu isumaginninnermut ataatsimiitsitaliami suliarineqassasoq innersuussutigaarput.

Taamak naatsumik allannguutissatut saqqummiunneqartut oqaaseqarfigalugit ataatsimiitsitaliaq sulilluarnissaannik kissaapparput.



Siunnersuutip aappaanut ima oqaaseqassaagut:

Matumuuna Naalackersuisut Meeqqat tapersorneqarnissaannut Inatsisartut inatsisaata allangortinneqarnissaa pillugu Inatsisartut inatsisissaattut siunnersuut saqqummiunneqartoq pillugu Siumumiit imaattumik oqaaseqassaagut.

Inatsit pineqartoq pissaanerup pingasunngorluni imiikkoortinneqarsimaneranut kalluaasoq takusinnaavarput. Inatsimmi allannguinerit meeqqat 15-iniik 18-inut ukiullit nunagisami imaluunniit illoqarfigisami avataanut ulloq unnuarlu paaqqinnittarfimmut inissinneqarsimasut tamarmik ukiumut marloriarlutik nunagisaminnut tikeraarlutik akiliunneqarlutik angalasinnaapput. Inatsimmili allannguiffigineqarniartoq meeqqanut eqqartuussivimmit eqqartuussut tunngavigalugu imaluunniit tigummigallagaanissamut taarsiullugu allamut inissiinneq tunngavigalugu meeqqanut ulloq unnuarlu paaqqinnittarfinnut inissinneqarsimasunut atuutissanngitsoq.

Allannguutissatut siunnersuutigineqartut paasillugit siunnersuut aappassaaneerneqartinnagu isumaginninnermut ataatsimiitsitaliami suliarineqassasoq innersuupparput, ataatsimiitsitaliarlu sulilluarnissaannik kissaallugu.

Vivian Motzfeldt, Siumut